

精鈔
大字

隨

園

全

集

欽定四庫全書

卷一百一十五

詩經

卷一百一十五

南園詩選序

詩不成於人而成於其人之天。其人之天有詩。脫口能吟。其人之天無詩。雖吟而不如其無吟。同一石。獨取泗濱之磬。同一銅。獨取商山之鐘。無他。其物之天殊也。舜之庭。獨皋陶賡歌。孔之門。獨子夏子貢可與言詩。無他。其人之天殊也。劉賓客亦云。天之所與。有物來相。彼由學而至者。如工人染夏以視羽畎。有生死之殊矣。何子南園生。而與詩俱來者也。雖為秀才。不喜制藝。雖讀書。不矜博覽。雖為詩。不事馳騁。其志約。故邊幅易周。其思專。故性情易得。居秣陵城闔。惛惛然。竹籬堇垣。與方外人遊。憇薄醉微瀟。雨餘風停。有愜於懷。一付於詩。久之。而何子與詩亦兩相忘也。予往往見人之先天無詩。而人之後天有詩。於是以門戶判詩。以書籍炫詩。以疊韻次韻險韻敷衍其詩。而詩道日亡。然則吾安得忘詩之人。而與之言詩哉。若何子者。斯其人矣。乾隆戊戌九月堯枚序

後序

金陵有二詩人。一為陳古漁。一為何南園。陳詩矯健。何詩清婉。三十年來。過從甚歡。今年俱委化去。余盡然心傷。為梓其詩以存之。因陳詩雖多。已有詩槩一集行世。其子能讀父書。事有可待。而何則名未出於一鄉。家又式微。予聞病。即往搜其詩。得稿若干選。成兩卷。或疑所存太少。答之曰。古。陶謝諸公。名垂千秋。詩存無幾。禮有以少為貴者。詩亦宜然。或嫌何詩境太薄。又答之曰。以一物而論。劍臘貴厚。劍鋒貴薄。以兩物而論。裘貴厚。鮫綃貴薄。詩之佳否。不在厚與薄也。惟是予所悵悵者。十年前許代錫其詩。故為作序。蹉跎至今。今雖終踐此言。而不及使其生前一見。為可悲也。且校其稿。與予素抄存者。尚缺二三。則易箴時所搜羅。慮其美猶未盡也。然則人之自存其詩。與存人之詩者。可不及汲汲然顧影而為之哉。南園名士顯。江寧諸生。卒年六十有二。其生平梗概。已悉前序中。

乾隆五十二年三月隨園老人袁枚再書

一、
二、
三、
四、
五、
六、
七、
八、
九、
十、
十一、
十二、
十三、
十四、
十五、
十六、
十七、
十八、
十九、
二十、
二十一、
二十二、
二十三、
二十四、
二十五、
二十六、
二十七、
二十八、
二十九、
三十、
三十一、
三十二、
三十三、
三十四、
三十五、
三十六、
三十七、
三十八、
三十九、
四十、
四十一、
四十二、
四十三、
四十四、
四十五、
四十六、
四十七、
四十八、
四十九、
五十、
五十一、
五十二、
五十三、
五十四、
五十五、
五十六、
五十七、
五十八、
五十九、
六十、
六十一、
六十二、
六十三、
六十四、
六十五、
六十六、
六十七、
六十八、
六十九、
七十、
七十一、
七十二、
七十三、
七十四、
七十五、
七十六、
七十七、
七十八、
七十九、
八十、
八十一、
八十二、
八十三、
八十四、
八十五、
八十六、
八十七、
八十八、
八十九、
九十、
九十一、
九十二、
九十三、
九十四、
九十五、
九十六、
九十七、
九十八、
九十九、
一百、

南園詩選目錄

第一卷

古今體詩九十二首

第二卷

古今體詩一百二十一首

南園詩選卷一

金陵何士顥南園著

田家雜興

春雨土膏融。東風吹已暖。力畊無曠土。種蔬到町疇。往視麥草盛。青青不遑緩。春社簫鼓喧。前邨人
影滿。歡然具酒食。笑語見困歎。罷勦事由時。相規勿疎嬾。打麥聲乍停。插秧歌欲起。桔槔人
力勞。日日望雨水。沛然決天河。四澤波瀾瀾。夏畦何足病。懷新視苗喜。牛飯松陰中。人話豆棚裏。
風來稻花香。笑向水田指。今年慶西成。室家歡果腹。殷勤採木棉。各備禦寒服。娶婦就閭里。
酒漿邀親族。禮數祇粗完。相與尚簡樸。幼兒教識字。差免笑鄙俗。琅琅書聲來。東鄰秋有塾。
嚴霜實百草。山瘦溪水清。紅葉雜白雲。愛茲初冬晴。倏忽北風緊。作雪飛瓊英。地爐紅楮社。茅屋
春已生。老幼擁團圍。開甕壺觴傾。租賦早已完。叩門何所驚。歡迎隣父來。泥飲到三更。

苦旱

炎蒸六月氣難降。知望無多乞彼蒼。但得碧雲雲暫掩。不為霖雨也生涼。眼離書卷為誰青。
有得還題筆未停。何處鳴蟬清似水。不妨權當雨聲聽。蕭然短榻北窗間。觸熱何人叩闕也。笑
不平天上事。交官忙甚雨師閒。

書感並東同社諸子

衣短驚身長。省孫喜又愁。分日不自飲。失學竟誰尤。時暑甚余頗寬其讀書之課蘭蕊雙枝秀。書香一綫留。興

宗期異日。爭奈雪盈頭。

良友晨星影。

彌傷後死翁。

入林深處好。把臂幾人同。大雅浮塵外。千

秋落筆中。晚香佳日近。欣賞桂花叢。

去秋荔屏謝世近日雨晦亦病危不起故第二句及之

越王

臥薪嘗膽廿年中。報怨全憑越女功。謀縱有成輸一着。事人以色豈英雄。

項羽

忍辱從來事可成。英雄蓋世枉傷神。但知父老羞重見。不記淮陰胯下人。

隨園賞荷

消受荷風畫閣涼。宦情久付水雲鄉。凭欄韻好花纔放。問字人來語亦香。紅粉映波如對鏡。碧筒傳客當飛觴。芳筵高會歡無極。靜領清芬到夕陽。

溪行

雨後愛溪行。水石漱苔冷。落葉點清波。驚散遊魚影。我身適閒。且喜塵事屏。疎鐘烟外飄。寒綠萬山靜。

呈簡齋夫子

名士為官去就輕。漫論花縣與蓬瀛。退如元亮偏能早。達似莊生恰有情。渡水雲來溪鳥靜。彈琴風

過竹樓清觀書五十同年少。猶自燈前擁百城。

秋夕同古漁過雙柏山堂

佳日訪良朋。相攜入古寺。暝色含烟蘿。殘陽駐山翠。齋廚供晚餐。僧喜客齊至。禪房正剖瓜。分甘與同嗜。歡然果腹餘。談笑遺世事。坐久舊衣單。颯颯涼颼吹。秋花滿庭除。唧唧暗蟲語。茶烟竹徑縈。活火松枝煮。數甌脩煩雜。將歸意各與疎鐘隔。院撞聲聲不停杵。山門寂無人。餘霞墮溪渚。

酒孌

玉乳光浮出甕聲。溫存名字舉杯稱。婦人醇酒今兼得。山館居然學信陵。

歸家作

秋堦花放豈嫌遲。歸到家園事事宜。投轄每多留飲處。看山大半倚樓時。悠揚鳥送忘愁語。剝啄僧催許和詩。簾捲晚涼清興劇。經床隨月自頻移。

秋日閒居

雨後眾峰綠。籬邊一徑斜。畦流瓜蔓水。風鳥豆棚花。自得幽人趣。居然老圃家。食貧語事子。隨分度年華。午睡書為枕。羲皇夢屢交。庭多幽鳥下。門少俗人敲。密竹分隣陰。新詩託友抄。簷端放飛蝶。解網去蟪蛄。

自述

不諱行藏處。知予拙是真。月遲防睡早。詩富補家貧。有癖難諧世。多情易累身。朝來羞對鏡。髮白未衰人。

至日

天上陽回曙色嘉。晴窗鳥語向人譁。詩歌遣興中年感。節物驚心兩鬢華。愛日但祈親健飯。忍貧常憶婦持家。山園緩步探春信。霜氣一林梅孕花。

閒詠

南窗日暖愛冬晴。客邸翛然步屨輕。詩為屢更多副本。酒緣縱飲得狂名。雲移樹杪看無定。雁叫天心聽倍清。世味年來嘗已慣。展禽何處最關情。

歲暮雜詩

來自家戎亦自溫。著來爛漫稱閒身。劍藏匣久思讐少。山愛冬晴面目真。雅有圖書娛獨坐。從來風雅讓前人。漆園齊物何須說。朝菌靈椿各有因。

早夏山行雜詠

輕陰山郭午。涼氣麥天秋。佳侶一相集。真成物外遊。雲谷間度水。柳色密遮樓。花放無名草。香繁繞逕幽。春去香無迹。千章綠樹滋濃陰。疑礙鳥新笋競芽。離籜響無風解苔。深步屨宜卜居思。

結社誰寄草堂賢。

初秋同古漁北遊

晴山遠望辨峻嶒。碧盡遙天爽氣澄。臨水却憐漁舍好。夕陽柳外晒魚罾。

初寒

鎮日傭書小僕隨。寒衣未製晚秋時。西風一例人間到。惟有貧賁最早知。

病足

杜門病足無塵事。小室疎簾到地垂。不出更添身嬾慢。未衰先借杖扶持。靜窺煮藥將殘火。閒讀經年未了詩。坐久踰珊階畔立。豆棚風過月來時。

霖雨

三伏涼如此。緣慳紈扇愁。纔雲天便雨。未暑氣先秋。苔色虛堂滿。蛸涎短榻浮。臨流思利涉。何處覓仙舟。

齋中題壁

破寂禽聲到座旁。偶齊散帙案生光。緇袍漸重知春暖。書課頻添覺晝長。投俗詩刪寒瘦句。沁神花愛有無香。清歡須信閒方得。好護蘭芽怕展妨。

秦淮泛舟

千古秦淮水。招人泛彩航。山爭雲外紫。波漲雨餘黃。九曲尋谿遠。千條覆柳長。薰風開畫閣。珠箔隱新妝。笑買朱纓破。衫裁白雪香。纏頭輕蜀錦。製曲贈王郎。騷雅名流擅。烟花落日忙。繁絃喧左右。流水奏宮商。六代餘風景。東關上月光。逢推人照影。風起袂生涼。添酒重開宴。分題喜欲狂。燈船高伐鼓。綺席競飛觴。相逐頻移棹。爭先各據艚。燭龍深夜媚。大樹萬枝芳。倒轉銀河影。驚飛彩電芒。觀燈疑入市。行樂喜逢場。舉目成狂國。無人不醉鄉。臨流誰弔古。賢勝獨回腸。渡口潮聲咽。祠邊樹影流。據牀忘主客。復社感滄桑。事去心偏戀。情深夢轉傷。芳蹤追大雅。佳句付奚囊。欲把焦琴理。還同舊雨商。漏深歸思切。漁笛尚悠揚。

病起

病起風光乍覺新。蕭然閒煞閉門身。兒扶看竹供行藥。母戒觀書怕損神。蒼藓窗壓枝明似雪。蓬蒿滿徑碧無塵。山禽久住如相識。語向檐前慰主人。

鄉試後杜鐵夫張熙亭胡靜夫俞越橋過草堂小集分得南字

空谷竟然喜盍簪。井棋聲裏雜清談。誅茆三徑竹陰合。留客一庭花影酣。共擬出羣雲。冀北漫思招隱學。淮南眼前珍重秋光好。酒貫隣家綠滿甔。

秋陰

曉窗光暗濕雲攢。病後衣裳著體寬。落葉天如貧境淡。遣懷詩帶雨聲寒。菊知節近花含笑。

主愛談深客盡歡。偶過溪邊看釣侶。烟波閒處下漁竿。

贈蔡正衫

矯矯野鶴飛。遠入烟霄路。偶落古長干。適與閒雲遇。同為塵外姿。相將樂依附。卓哉吾正衫。一見成良晤。論懷水乳投。高言撥雲霧。更示囊中詩。字字珠璣吐。古意陶天真。元音接韶濩。朱紱久不聞。傾耳有餘慕。重陽酬令節。招我來書堂。聞多佳侶至。會如龍山良。奈何風雨作。星辰天各方。我居南郊側。容易親君旁。兩人歡對酌。一笑賓主忘。無言比荆渚。高詠成詩狂。淹留暝色深。繼以燈燭光。顧影醉忽醒。各驚頭上霜。

賦得二月二日江上行次楚筠韻

遙岸低貼水痕青。妙景天然入畫屏。碧草岸低迷蛟蝶。綠蘋風動起蜻蛉。

懷方碧潭

綠雲山館靜。花落憶君時。燕語青春老。鶯啼白晝遲。獨教閒倚竹。誰與細論詩。水國伊人遠。臨風有所思。

九日

鯉魚風起菊初英。節屆吹花景倍清。帶雨摘蔬貧有味。登樓扶病杖多情。時余腰腿痛未痊坐吟衰草悲秋老。雲度寒塘隔樹明。顧影不勝中歲感。蕭蕭白髮向愁生。

冬夜

窗外風微落葉輕。霜華冷映月華明。那堪未製寒衣客。坐聽鄰家力尺聲。

冬夜有懷

村巷夜逾寂。閉門風冷然。酒醒幽夢後。愁破苦吟邊。落葉雨喧地。明星霜滿天。懷人不可見。翠竹影娟娟。

早春山行同古漁作

薄暮輕寒不著人。吹衣風軟適閒身。夕陽半嶺一天碧。雲外月痕如粉新。

同分亭看桃花作

香霧初濃境易迷。風枝曩曩拂人低。幽禽似說春光好。飛入綠楊相對啼。

寄白門諸同志

王粲樓頭發浩歌。千秋知己羨常何。他鄉送雁羈愁起。近事如棋變局多。春滿園中偏冷淡。興來花下獨婆娑。故人若問行蹤好。為報新添兩髻皤。

春社歌

土膏已動東風暖。荷鋤未許農夫嬾。誰家土鼓闌前村。笑語喧闐人影滿。社翁今日祀何神。雞豚敬進壺漿陳。紛紛婦子拜且告。但願雨水田疇勻。默默鑒我三時苦。早得西成賽田祖。公稅

無差門戶清。追呼莫被胥徒侮。祭畢割肉分同儔。隣翁集飲清綢繆。歡然醉飽各歸去。夕陽桑柘鳴春鳩。

山中早夏

美酒新開綠玉缸。醉中豪思未全降。花留刺蕊顏終淡。蝶抱餘香影自雙。讓路竹間防踐筍。納雲檐際喜開窗。猶思飽喫鱖魚美。結伴聯吟渡曉江。謂甲子年同人采石之遊

燈下閑楚筠手書不勝人琴之感

燈下理散帙。忽見故人書。書自廣陵來。憶我南村居。令我居已遷。學種山園蔬。叩門無君至。酒杯長空虛。每思促膝候。月照兩人裾。今夕月還來。孤影惟愁余。呼君君不聞。夜臺月何如。

錦峯以秦淮泛舟詩見示走筆和之次第仙雨中過草堂留飲韻

仙侶同舟意頗關。新愁都為誦詩刪。翠拖蓬背烟濃柳。綠飲潮頭雨霽山。文酒未陪名士會。水雲空憶野鷗閒。扣舷歌罷聞漁唱。贏得良宵載月還。

過隨園晤主人不值

過訪先生偏早出。名園小憩俗心降。鶴迎籬逕頻來客。雲護山堂半掩窗。好句繫懷人對菊。過蔣侍御寓齋月先生首誰家行樂酒盈缸。微吟池上徘徊久。靜愛苔痕印屐雙。蔣侍御看菊詩

霧